



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.186/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Kujtim Pasuli kryesuese, Violeta Husaj Rugova dhe Ramush Bardiqi anëtarë, duke vendosur përkitazi me ankesën e Subjektit Politik Lëvizja Vetëvendosje (LVV), me seli në Prishtinë, të paraqitur kundër Subjekti Politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë; 09.02.2025, në seancën e panelit të mbajtur më datë; 27.01.2025, merr këtë,

V E N D I M

Refuzohet e pabazuar ankesa e Subjektit Politik Lëvizja Vetëvendosje (LVV), me seli në Prishtinë, Anr.186/2025, e datës;24.01.2025 paraqitur kundër subjektit politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët për Zgjedhjet e Përgjithshme për Kuvendin e Republikës së Kosovës që do të mbahen më datë; 09.02.2025.

A r s y e t i m

Me datë; 24.01.2025, PZAP-i, ka pranuar një ankesë nga Subjektit Politik Lëvizja Vetëvendosje (LVV), me seli në Prishtinë, me të cilën pretendohet se aktivistët e Lëvizjes Vetëvendosje kanë identifikuar se më datë 24 janar 2025, janë vendosur postera në hapësirë publike, pran parkut të qytetit , përballë Gjykatës Themelore ne Skenderaj, të vendosura nga kandidati Xhevahir Geci nga radhët e subjektit politik Partia Demokratike e Kosovës (PDK).

Tutje në ankesë theksohet se ky veprim i subjektit politik PDK, është në kundërshtim me nenin 34 paragrafi 1, nën paragrafi 1.2, të Ligjit Nr. 08/L-228 për Zgjedhjet e Përgjithshme në Republikën e Kosovës -LZP-së. Ku theksohet se sipas nenit 34 paragrafi 1 nën paragrafi 1.2 i LZP-së, parashihet se: “1.2. vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve. Përmes këtij veprimi, subjekti përkatës, ka cenuar rëndë dispozitat përkatëse

ligjore. Andaj, duke u mbështetur në bazën ligjore dhe argumentet e lartcekura, kërkojnë që masa e sanksionit të vendoset në përputhje me legjislacionin në fuqi.

Si provë parashtruesi i ankesës ka bashkangjitur fotografi që dëshmojnë vendosjen e banerit/posterit në kundërshtim me LZP-në.

PZAP, me datë 25.01.2025 iu është drejtuar me kërkesë për përgjigje Subjekti Politik Partia Demokratike e Kosovës (PDK), të parashtruar nga ankuesi Subjekti Politik Lëvizja Vetëvendosje. Subjekti Politik PDK më datë 26.01.2025, ka ushtruar përgjigje ne ankese, duke njoftuar PZAP-in, se NSH "Foto Kabashi", me datë 21.01.2025 ka marr pëlqim nga komuna e Skenderajt qe te bën vendosjen e panove reklamave në shtyllat e ndriçimit publik, si dhe vendosjes se shpalljeve dhe publikimeve te përkohshme ne muret e objekteve private dhe objekteve tjera ne afatin kohor 1 vjeçar e cila shkresë përmban numër te protokollit 09-334/01-0002929/25 dhe është nënshkruar dhe vulosur nga drejtori përkatës të kësaj drejtorie. Kandidati për deputet Xhevahir Geci me date 22.01.2025 ka lidhur kontratën për hapësira reklamuese me kompaninë NSH "Foto Kabashi" ku hapësira reklamuese do te shfrytëzohet nga data 22.01.2025 deri me datën 11.02.2025. Ka kërkuar qe te refuzohet si e pabazuar ankesa e Subjektit Politik LVV.

PZAP-i, pasi që shqyrtoj dhe vlerësoi ankesat gjeti se:

Paneli me rastin e shikimit të shkresave të lëndës, sa i përket pretendimeve të parashtruesit se janë vendosur postera në hapësirë publike, konkretisht në hapësira te sponsorizuar pran parkut te qytetit përball Gjykatës Themelore ne Skenderaj në Rrugën " 18 Qershori" të kandidatit për deputet Xhevahir Geci, nga radhët e subjektit politik Partia Demokratike e Kosovës (PDK) për Panelin këto pretendime janë të pabazuar dhe nuk mund të merret se kandidati i subjekti politik PDK ka shkelur nenin 34, pika 1 nënpar. 1.2 të LZP-në. Kjo për faktin se nga prova e bashkuar ne përgjigjen ne ankese rezulton se Drejtoria për Shërbime Publike ne Skenderaj, ne baze te kërkesës numër 09-334/01-0002929/25 e datës 20.01.2025 nga kompania Foto Kabashi me seli në Skenderaj, ka nxjerr pëlqim duke lejuar kompanisë Foto Kabashi" NSH, të bëje vendosjen e panove reklamuese ne shtyllat e ndriçimit publik dhe vendosjen e shpalljeve dhe publikimeve te përkohshme ne muret e objekteve private dhe objekteve tjera në afatin kohor 1 vjeçar. Duke u bazuar ne ligjet dhe rregulloret e Komunës Skenderaj Drejtoria për Shërbime Publike ka dhënë Pëlqimin ne fjale për 1 vit nga data e protokolluar.


Kandidati për deputet Xhevahir Geci duke pasur parasysh pëlqimin e lartcekur ka lidhur kontrate me NSH "Foto Kabashi" me date 22.01.2025, për hapësira reklamuese te cilat gjendet ne rrugën "18 qershori" dhe ne rrugën "Xheve e Fehmi Lladrovci" ne Skenderaj deri me date 11.02.2025, për çmimin kontraktues për hapësira reklamuese ne shumen prej 500 eurove.

Andaj duke u mbështetur në nenin 117.3 të LZP-së ku përcaktohet se: "*vendosja për ankesat nga PZAP-ja mbështetet në dëshmi të qarta dhe bindëse*", Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesë dhe nga provat e ofruara si dëshmi parashtruesi i ankesave nuk ka arritur që të vërtetoj pretendimet e theksuara si më lart.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa
A.nr.186/2025, datë 27.01.2025

Kryesues i Panelit
Kujtim Pasuli



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Republikës së Kosovës, brenda dyzet e tetë (48) orëve nga momenti i marrjes-pranimit të këtij vendimi.